

# ԱՐՁԱՆԱԳՐՈՒԹՅՈՒՆ ԹԻՎ 12

## ՀՀ Լոռու մարզպետի մոտ կայացած խորհրդակցության

20.05.2025թ.

ք.Վանաձոր

Նիստը վարում էր Լոռու մարզպետ Ա.Ղազարյանը

Արձանագրում էր փաստաթղթաշրջանառության բաժնի պետ Ս.Մակարյանը

### Մասնակցում էին

Հ.Ավետիսյանը- մարզպետի տեղակալ

Կ.Աշրաֆյանը - գլխավոր քարտուղար

Ն.Թովմասյանը - մարզպետի խորհրդական

Հ.Հակոբյանը - մարզպետի օգնական

Կ.Ադամյանը, Մ.Դավաթյանը, Ռ.Մարգարյանը, Ն.Բարիկյանը, Մ.Խեչումյանը,

Է.Հախվերդյանը, Ա.Թումանյանը, Ա.Հակոբյանը, Վ.Ջադինյանը, Գ.Բաղդասարյանը,

Կ.Շեկոյանը- մարզպետի աշխատակազմի ստորաբաժանումների ղեկավարներ

### Օրակարգում՝

Ը ն թ ա ց ի կ հ ա ր ց ե ր

Ե լ ու յ թ ու ն ե ց ա ն՝

1. ՀՀ Լոռու մարզպետի աշխատակազմի գլխավոր քարտուղար Կ.Աշրաֆյանը ներկայացրեց տեղեկատվություն մարզպետի աշխատակազմի կրթության, մշակույթի և սպորտի վարչության պետի պաշտոնում Նահրա Բարիկյանի նշանակման վերաբերյալ: Այդ առիթով Լոռու մարզպետը շնորհավորեց Ն.Բարիկյանին պաշտոնում նշանակվելու կապակցությամբ, ցանկացավ հաջողություններ և բեղմնավոր աշխատանք, հույս հայտնելով, որ վերջինս իր մասնագիտական փորձառությամբ և կարողություններով կնպաստի մարզի կրթական, մշակութային և մարզական առաջընթացին՝ նպաստելով ոլորտի զարգացմանը, համակարգի բարեփոխումներն ու ծրագրերը հաջողությամբ իրականացնելու գործընթացին:

Ն.Բարիկյանը շնորհակալություն հայտնեց բարձր վստահության համար, վստահեցրեց, որ կներդնի առավելագույն ջանքեր մարզում կրթության ոլորտի արդյունավետ կազմակերպման և զարգացման համար ու պատրաստակամությունը՝ իր վրա դրված պարտականությունները պատշաճ կարգով իրականացնելու համար:

Մարզպետը հանձնարարեց կրթության, մշակույթի և սպորտի վարչության պետ Ն. Բարիկյանին անհրաժեշտ և պատշաճ վերահսկողություն սահմանել մարզային ենթակայության դպրոցների նկատմամբ, կապված «Վերջին զանգի» և ավարտական քննությունների կազմակերպման ու անցկացման հետ, որպեսզի հնարավորինս բացառվեն դրամահավաքը և նվիրատվությունները:

2. Մարզպետն իր դիտարկումներն ու տեսակետներն արտահայտեց պատասխանատու անձանց և ստորաբաժանումների ղեկավարներին տրված հանձնարարականների կատարման որակի, ժամկետների բացթողումների և գործավարությամբ սահմանված կարգի խախտման և պարտականությունների ու գործառույթների ոչ պատշաճ կատարման

հարցերի վերաբերյալ: Վերոգրյալի վերաբերյալ մարզպետը հանձնարարեց ստորաբաժանումների ղեկավարներին:

**2.1** Անձնական պատասխանատվություն կրել փաստաթղթաշրջանառության պատշաճ և սահմանված կարգին համապատասխան պարտականությունների կատարման նկատմամբ, հանձնարարականները կատարել սահմանված ժամկետում, բացառել ուշացումները և անորոշ ու անիմաստ պատասխանները, դրանք նախապես համաձայնեցնել համակարգողների և ոլորտի պատասխանատուների կամ մարզպետի հետ:

**2.2** Մարզպետը հանձնարարեց աշխատակազմի գլխավոր քարտուղար Կ.Աշրաֆյանին՝ 1-օրյա ժամկետում ներկայացնել տեղեկատվություն քաղաքացիների կողմից Վարչապետին առձեռն հանձնված դիմումների ընթացքի վերաբերյալ:

**2.3** Մարզպետը հանձնարարեց խորհրդական Ն.Թովմասյանին՝ 1-օրյա ժամկետում ներկայացնել տեղեկատվություն Վարչապետի այցի և մարզպետի կողմից իրականացված շրջայցերի ընթացքում քաղաքացիների կողմից բարձրացված հարցերի լուծման վերաբերյալ:

### **3.Մարզպետը հանձնարարեց.**

#### **Մարզպետի տեղակալ Հ.Ավետիսյանին՝**

**3.1** Անհրաժեշտ վերահսկողություն սահմանել մարզի համայնքներում աղբահանության պատշաճ կազմակերպման և սանիտարական մաքրման նկատմամբ:

**Աշխատակազմի գլխավոր քարտուղար Կ.Աշրաֆյանին, կրթության, մշակույթի և սպորտի վարչության պետ Ն. Բարիկյանին, աշխատակազմի տարածքային կառավարման և տեղական ինքնակառավարման հարցերով վարչության պետ Մ.Խեչումյանին՝**

**3.2** Անհրաժեշտ վերահսկողություն սահմանել համայնքային ենթակայության կազմակերպությունների տնօրենների թափուր պաշտոնների համար հայտարարված մրցույթների կազմակերպման և անցկացման նկատմամբ, ներկայացնել տեղեկատվություն ժամանակավոր պաշտոնակատարների նշանակման և մրցույթների չհայտարարման պատճառների վերաբերյալ:

#### **Աշխատակազմի ստորաբաժանումների ղեկավարներին՝**

**3.3** Ըստ համակարգման ոլորտների անհրաժեշտ վերահսկողություն սահմանել համայնքների կողմից օրենսդրությամբ սահմանված գործառույթների իրականացման նկատմամբ:

**3.4** Անհրաժեշտ աշխատանքներ իրականացնել և մինչև ս.թ. հունիսի 25-ը ներկայացնել ոլորտային զարգացման և աշխատանքային իրագործելի պլաններ:

**3.5** Յուրաքանչյուր ուրբաթ օրվա վերջում աշխատակազմի անձնակազմի կառավարման, փաստաթղթաշրջանառության և հասարակայնության հետ կապերի

վարչություն ներկայացնել հաջորդ շաբաթվա ընթացքում խորհրդակցության ժամանակ քննարկվելիք օրակարգի հարցերի վերաբերյալ տեղեկատվություն:

**Մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ Ռ.Մարգարյանին՝**

**3.4** Անհրաժեշտ և անհատական վերահսկողություն սահմանել սուբվենցիոն և քաղաքաշինական այլ ծրագրերի իրականացման, դրանց որակի և ժամկետների պահպանման նկատմամբ:

**Մարզպետի աշխատակազմի գյուղատնտեսության և շրջակա միջավայրի պահպանության վարչության պետ Ա. Թումանյանին՝**

**3.5** Արտակարգ իրավիճակների (կարկտահարություն, ջրհեղեղ, երաշտ և այլն) դեպքում անմիջապես արձագանքել, տեղում ուսումնասիրել իրավիճակը և պարբերաբար ներկայացնել տեղեկատվություն վնասների չափի ու նախատեսվող փոխհատուցման միջոցառումների վերաբերյալ:

Ստորագրող  
ԱՐԱՄ ՂԱԶԱՐՅԱՆ  
2003720081

ԼՈՌՈՒ ՄԱՐԶՊԵՏ՝

2025-05-23 13:58:35 GMT+4  
Հավաստված է ԷԿԵՆԳ-ի կողմից



Ա.ՂԱԶԱՐՅԱՆ